



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 82. Colloquium secundum Lutheri cum eodem Cardinale

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

quarundam distinctionum effugio elusit, Sæcul. XVI. A.C 1518.
 tandemque affirmavit, cum homo errori
 obnoxius sit, etiam ut homo ab errandi
 periculo immunis non sum, hinc doctri-
 næ meæ rationem vel disputando, vel
 scribendo reddere volo. Hic erat primi
 colloquii exitus; quo soluto Lutherus,
 cum errores suos revocare, a Legato ve-
 hementer urgeretur, deliberandi spacium
 efflagitavit.

§. LXXXII.

*Colloquium secundum Lutheri cum
 Cardinale Cajetano.*

Postera die Lutherus secundo compa-
 ruit, quodam Notario, ac quatuor
 Senatoribus Augustanis eum comitanti-
 bus; quibus etiam præsentibus suæ sub-
 missionis testimonium conscriptis desu-
 per publicæ fidei literis, quas *protestatio-*
nem suam vocabat, excipi petiit, eamque
 coram Cardinale Legato recitavit, his
 verbis conceptam: *Ego Frater Marti-*
nus Luther Augustinianus, protestor, me
colere & sequi Sanctam Romanam Eccle-
siam in omnibus meis didis, & factis, præ-
sentibus, præteritis, & futuris. Quod si
quid contra, vel aliter dictum fuit, vel
fuerit, pro non dicto haberi & habere volo.
 Dein ad conditiones sibi a Legato Pon-
 tificis jussu oblatas, respondit, & quidem

Sæc. XVI.
A.C. 1518.

ad primam, quod nihil afferuisset, nisi duntaxat disputandi, ac veritatis dilucidandæ gratia, nec etiam sciret, quod veritatem ullo pacto impugnasset, atque ideo nequidem scripta retractare posset aut deberet, nisi erroris convinceretur; cetera inquebat, minus esse sibi conscium, aliquid dixisse contra sacram Scripturam, contra Concilia, contra Patres, imo nequidem contra Decretales Pontificum, qui ante Clementem VI. Sedem Apostolicam tenuissent, attamen quia homo esset, qui errare posset, velle se submittere iudicio & determinationi Sanctæ Ecclesiæ, ac nominatim Doctoribus insignium Universitatum Basleensis, Friburgensis & Lovaniensis; præcipue vero Parisiensis, quam dicebat studiorum parentem, & ab antiquo in Theologia florentissimam (*).

§. LXXXIII.

(*) Ita Continuator ex Cochlæo loc. cit. cuius tamen verba percipere haud ingratum erit, ut ex illis, quæ adjecta, quæve dempra fuerint, Lector perspicere valeat: *Protestabatur, se non sibi esse conscium, aliquid dixisse, quod sit contra S. Scripturam, contra Ecclesiasticos Patres, contra Decretales Pontificum, aut contra rectam rationem. Attamen . . . velit se submittere: . . . iudicio Ecclesiæ, & omnibus melius sentientibus, nominatim vero . . . Aut si nec id satis sit, etiam Parisiensi, quam dicebat*